



ასპინძის სახელობა

ასპინძის მუნიციპალიტეტი * საქაფაჟარი. 2024 * (7)100

მუნიციპალიტეტის სახეობის მოსახლეობის ინტეგრაციის სადაჩაჯოზე!



ბასიკ ბერიძე

(დღევანდელი ნომრის სტუმარია ასპინძის მუნიციპალიტეტის საკრებულოს თავმჯდომარე ბასიკ ბერიძე)

ასპინძის მუნიციპალიტეტის საკრებულომ 2024 წლის სექტემბრამდე ჩატარა საკრებულოს და ბიუროს 12 სხდომა, 9 გეგმიური და 3 რიგგარეშე, რომელმაც განიხილა დღის წესრიგით გათვალისწინებული 50 საკითხი. როგორც სხდომაზე საკრებულოს წევრების დასწრების აქტიურობა, ასევე დებატებში აზრის დაფიქსირებაში დეპუტატების ჩართულობა კი ყოველთვის თავისუფალი და საკმაოდ მაღალი იყო.

2024 წლის იანვრიდან დღემდე საკრებულომ გამოსცა 50 სამართლებრივი აქტი. მათ შორის: „საქართველოს საკანონმდებლო მაცნე“-ში გამოქვეყნდა 23 ნორმატიული აქტი (დადგენილება), გამოიცა 27 განკარგულება და 45 ბრძანება, დღემდე შემოსული და ერთიანი ელექტრონული წარმოების წესით დარეგისტრირებულია 86 სხვადასხვა წერილი (შიდა წერილები) თუ მომართვა. საკრებულოდან გასულია

229 პასუხი და მიმართვა.

საკრებულოში ფუნქციონირებს 5 კომისია. კერძოდ, იურიდიულ საკითხთა; საფინანსო-საბიუჯეტო, ეკონომიკისა და ქონების მართვის; გარემოს დაცვისა და აგარარულ საკითხთა; კულტურის, განათლების, სპორტისა და ახალგაზრდულ საქმეთა და ჯანდაცვისა და სოციალურ საკითხთა კომისიები. შექმნილია 2 ფრაქცია – „ქართული ოცნება-დემოკრატიული საქართველო“ და „ერთიანი ნაციონალური მოძრაობა“.

კომისია თავისი კომპეტენციის ფარგლებში განიხილავს, შეიმუშავებს და საკრებულოს წარუდგენს სამართლებრივ აქტების პროექტებს და დასკვნებს. იგი თავის საქმიანობას ახორციელებს კომისიის

დებულების, საკრებულოს რეგლამენტისა და სხვა ნორმატიული აქტების შესაბამისად.

მუდმივმოქმედი კომისიის შემადგენლობაშია მუნიციპალიტეტის საკრებულოს 7 წევრი. საანგარიშო პერიოდში საკრებულოს კომისიების მიერ გაიმართა 13 სხდომა (ერთი პეტეციის).

კომისიის სხდომებზე სულ განხილულია დღის წესრიგით გათვალისწინებული 54 საკითხი.

საკრებულოს ფრაქცია „ქართული ოცნება-დემოკრატიული საქართველო“, რომლის შემადგენლობაში 22 წევრია, შექმნილია საერთო პოლიტიკური შეხედულებების მქონე საკრებულოს წევრთა მიერ უფლებამოსილების ეფექტურად განხორციელებისა და საქმიანობის კოორდინირებულად წარმართვის მიზნით.

ფრაქციის მიერ საანგარიშო პერიოდში ჩატარდა 10 სხდომა და განხილულ იქნა 16 საკითხი.

საკრებულოს კომისიებისა და ფრაქციების საქმიანობის შედეგად ხდება მუნიციპალიტეტის მნიშვნელოვანი საკითხების განხილვა და შესაბამისი გადაწყვეტილებების მიღება.

2024 წლის ბიუჯეტი თავდაპირველი რედაქციით ჯამურად შეადგენს 10209100 ლარს, რაც უპრეცედენტოდ გაზრდილია წინა წლებთან შედარებით.

ასევე მუნიციპალიტეტის ბიუჯეტი 8 თვის განმავლობაში განხორციელებული ცვლილებების შედეგად კვლავ გაიზარდა, რაც ძირითადად შემოსულობების და ტრანსფერების გათვალისწინებით განხორციელდა, ბიუჯეტის ზრდის ამგვარი ტენდენცია ცალსახად მოწმობს იმას, რომ ჩვენი თანამოქალაქეების ინტერესების შესაბამისად, მუნიციპალიტეტისთვის აუცილებელი კიდევ უფრო მეტი, ახალი სოციალური და ინფრასტრუქტურული პროექტი ხორციელდება.

მუდმივმოქმედი კომისიები აქტიურად მონაწილეობენ საკრებულოს მიერ მიღებულ გადაწყვეტილებათა განხილვაში. ახორციელებენ სახელმწიფო და მუნიციპალიტეტის პროგრამით გათვალისწინებული სამუშაოების შესრულების ხარისხისა და ვადების დაცულობას; აქტიურად არიან ჩართულნი ფონდისა თუ ინფრასტრუქტურული პროექტების შესრულების მონიტორინგში. კერძოდ, საკრებულოს დეპუტატის მიერ მოწონებულ იქნა 2024 წელს ასპინძის მუნიციპალიტეტში საქართველოს სახელმწიფო ბიუჯეტით გათვალისწინებული საქართველოს რეგიონებში განსახორციელებელი პროექტების ფონდიდან დასაფინანსებელი შემდეგი პროექტები:

ა) დაბა ასპინძაში გურამიშვილის ქუჩაზე მინი მოედნის მოწყობა. პროექტის სრული ღირებულება (ქვემოთ ყველგან საპროექტო დოკუმენტაციის ღირებულების გარეშე) 172 390 ლარია; მ.შ. ფონდიდან მოთხოვნილი თანხა 163 770 ლარია, ხოლო თანადაფინანსება – 8 620 ლარი;

ბ) სოფელ ივრიაში შიდა გზის რეაბილიტაცია – პროექტის სრული ღირებულება 774 558 ლარია; მ.შ. ფონდიდან მოთხოვნილი თანხა – 735 830 ლარი; თანადაფინანსება – 38 728 ლარი;

გ) სოფელ რუსთავის შიდა გზების რეაბილიტაცია – პროექტის სრული ღირებულება შეადგენს 834 760 ლარს; მ.შ. ფონდიდან მოთხოვნილი თანხაა 793 022 ლარი, თანადაფინანსება – 41 738 ლარი;

დ) დაბა ასპინძაში რუსთაველის, ტაბიძის და თამარ მეფის ქუჩების რეაბილიტაცია – პროექტის სრული ღირებულება 615 997 ლარია; მ.შ. ფონდიდან მოთხოვნილი თანხა შეადგენს 585 197 ლარს, თანადაფინანსება – 30 760 ლარს;

ე) სოფელ ოშორაში მისასვლელი გზის სარეაბილიტაციო სამუშაოების სრული

ღირებულება 1 577 958 ლარია; მ.შ. ფონდიდან მოთხოვნილი თანხაა 1 499 060 ლარი, თანადაფინანსება – 78 898 ლარი;

ვ) მდ. ოთის წყალზე დ. ასპინძაში გაბიონების მოწყობის სამუშაოების სრული ღირებულება 205 428 ლარია, მ.შ. ფონდიდან მოთხოვნილი თანხაა 194 156 ლარი, თანადაფინანსება – 10 272 ლარი;

ზ) დაბა ასპინძაში, ჭავჭავაძის და მესხეთის ქუჩების რეაბილიტაციის სრული ღირებულება 1 261 390 ლარია, მ.შ. ფონდიდან მოთხოვნილი თანხაა 1 198 320 ლარი, თანადაფინანსება – 63 070 ლარი;

საგზაო ინფრასტრუქტურის მშენებლობა და რეაბილიტაცია

საგზაო ინფრასტრუქტურის მშენებლობა და რეაბილიტაციის 2024 წლის ხარჯი შეადგენს 1030.0 ათას ლარს.

ამჟამად მიმდინარეობს დაბა ასპინძაში სანაპიროს ქუჩის სრული რეაბილიტაცია. კერძოდ: კეთდება ახალი ტროტუარები, ლობები (მაცხოვრებლების შესავლელი ახალი ჭიშკრების/ალაყაფის კარების დაყენებით) და სანიაღვრე არხები. ასევე, მიმდინარეობს მეფე ერეკლე II ქუჩის სრული რეაბილიტაციის მეორე ეტაპი – მოწყობა ტროტუარები, სანიაღვრე არხები, ამჟამად გაკეთებულია ახალი ლობები თავისი ალაყაფებით.

მიმდინარეობს გ. მალრადის სახელობის ასპინძის სამუსიკო სკოლისა და ცენტრალური ბიბლიოთეკის კაპიტალური რემონტი და სხვა მრავალი სამშენებლო-სამონტაჟო სამუშაო.

გარე განათების რეაბილიტაცია და ექსპლოატაცია

ა(ა)იპ გარე განათების დაფინანსება შეადგენს 556.000 ათასი ლარს.

ამჟამად სოფელ რუსთავსა და ვარგაფში მიმდინარეობს გარე განათების მოწყობითი სამუშაოები, რომლის ღირებულება შეადგენს 57 283 ლარს; მ.შ. ფონდიდან მოთხოვნილი თანხაა 54 418 ლარია; მ.შ. თანადაფინანსება – 2 865 ლარი;

სარწყავი არხების მოწყობა-რეაბილიტაცია

ა(ა)იპ ასპინძის მელორაციის ცენტრის დაფინანსება შეადგენს 260,0 ათას ლარს;

ბინათმშენებლობის ხარჯი მუნიციპალიტეტის ბინათმშენებლობის ხარჯი შეადგენს 100.0 ათას ლარს.

საპროექტო-სახარჯთაღრიცხვო დოკუმენტაციის შედგენა დაფინანსებულია 115,0 ათასი ლარით;

გაბრძანებულია გპ-3 გპ.

ასპინძის მუნიციპალიტეტის საკრებულოში

გაიმართა ასპინძის მუნიციპალიტეტის საკრებულოს მორიგი სხდომა, სადაც განხილული იქნა შემდეგი საკითხები:

1. „ასპინძის მუნიციპალიტეტის 2024 წლის ბიუჯეტის დამტკიცების შესახებ“ ასპინძის მუნიციპალიტეტის საკრებულოს 2023 წლის 19 დეკემბრის № 38 დადგენილებაში ცვლილების შეტანის თაობაზე;

მომხს: ბ. ბერიძე; ა. ტივაძე;

2. „ასპინძის მუნიციპალიტეტის 2024 წლის 6 თვის ბიუჯეტის შესრულების ანგარიშის შეფასების შესახებ“;

მომხს: ბ. ბერიძე; ა. ტივაძე;

3. „ასპინძის მუნიციპალიტეტის სარგებლობაში არსებული სასოფლო-სამეურნეო დანიშნულების მიწის ნაკვეთის გადაცემაზე ასპინძის მუნიციპალიტეტის მერისთვის თანხმობის მიცემის შესახებ“.

მომხს: ბ. ბერიძე; გ. ჯვარიძე;

დეპუტატებმა საკითხები დაამტკიცეს, რის შემდეგაც გაეცნენ ინფორმაციას:

1. „ასპინძის მუნიციპალიტეტის მერის მიერ 2024 წელს N95-დან N109-ის ჩათვლით, გაფორმებული ხელშეკრულებები სახელმწიფო შესყიდვების შესახებ“;

2. „საქართველოს პარლამენტის 2024 წლის 27 ივნისის N4332-XIV მს-X მპ დადგენილების „2023 წელს საქართველოში ადამიანის უფლებათა და თავისუფლებათა დაცვის მდგომარეობის შესახებ“ საქართველოს სახალხო დამცველის ანგარიშის განხილვის შესახებ და ანგარიშში იდენტიფიცირებული გამოწვევების დაძლევის მექანიზმების შემუშავება დადგენილების შესაბამისად.

3. „სივრცის დაგეგმარებისა და ქალაქმშენებლობითი გეგმების შემუშავების წესის შესახებ“ საქართველოს მთავრობის 2019 წლის 3 ივნისის №260 დადგენილების (საქართველოს მთავრობის 2024 წლის 4 ივლისის N219

დადგენილებით შეტანილი ცვლილების საფუძველზე) განხილვის შესახებ.

მუნიციპალიტეტის საკრებულოს რიგგარეშე სხდომა

23 აგვისტოს გაიმართა მუნიციპალიტეტის საკრებულოს რიგგარეშე სხდომა, სადაც განხილული იქნა შემდეგი საკითხები:

1. „ასპინძის მუნიციპალიტეტის 2024 წლის ბიუჯეტის დამტკიცების შესახებ“ ასპინძის მუნიციპალიტეტის საკრებულოს 2023 წლის 19 დეკემბრის № 38 დადგენილებაში ცვლილების შეტანის თაობაზე;

მომხს: ბ. ბერიძე; ა. ტივაძე;

სხდომებს უძღვებოდა საკრებულოს თავმჯდომარე ბესიკ ბერიძე.

სხდომას ესწრებოდა „მრავალეროვანი საქართველო“-ს წარმომადგენელი ასპინძაში მარიამ ბარძიმაძე.

მაკა ბერიძე



ასპინძის მუნიციპალიტეტის სოფელ თმოგვის ახალ აშენებულ ბაღში სასწავლო-სააღმზრდელო პროცესის გახსნისთვის სამზადისი აქტიურად მიმდინარეობს. ამ ეტაპზე საბავშვო ბაღის შენობაში მიმდინარეობს ელექტროტექნიკით, სათამაშოებით, ქსოვილის ნივთებით, დამცავი ჟალუზებით, სამზარეულოსთვის საჭირო ინვენტარით და საჭირო ავეჯით აღჭურვა. ახლად აშენებული თანამედროვე სტანდარტების შესაბამისი საბავშვო ბაღის შენობით ისარგებლებენ როგორც ადგილობრივი მოსახლეობის ბავშვები, ასევე სოფლების: ნაქალაქევის, ფიის, თმოგვისა და მირაშხნის აღსაზრდელები. ბავშვთა ტრანსპორტირებას ა(ა)იპ ასპინძის სკოლამდელი აღზრდის დაწესებულებათა გაერთიანება უზრუნველყოფს.

თმოგვს ახალი ბაღი აქვს

როგორც აღსანიშნავია, თანამედროვე სტანდარტებით აშენებული თმოგვის ახალი საბავშვო ბაღი გათვლილია სამოც აღსაზრდელზე და დაკომპლექტებულია შესაბამისი პერსონალით. საბავშვო ბაღში მოეწყობა ბავშვთა სააღმზრდელო და საძინებელი ოთახები, სველი წერტილები, დარბაზი, ექიმისა და პერსონალის ოთახები და საწყობი. კეთილმოეწყობა აღსაზრდელებისთვის ეზო. საბავშვო ბაღის აღსაზრდელებს სასწავლო პროცესის დაწყებისას დახვედრათ კომფორტული, ადაპტირებული და საუკეთესო გარემო.

სოფელ თმოგვის ახალ საბავშვო ბაღში ჩარიცხვის მსურველთა მშობლებმა განცხადება უნდა წარადგინონ გაერთიანების ადმინისტრაციაში შესაბამისი დოკუმენტაციით. მისამართი: ასპინძა, მეფე თამარის ქ. N3

თანამედროვე სტანდარტებით აშენებული ორსართულიანი საბავშვო ბაღი გათვლილია სამოც აღსაზრდელზე და დაკომპლექტებულია შესაბამისი პერსონალით.

გმირთა ხსოვნას მიეძღვნა



დაბა ასპინძის გართობისა და დასვენების სამკუთხა პარკში ასპინძის მუნიციპალიტეტის მერმა როსტომ მაგრაქველიძემ და ადგილობრივი თვითმმართველობის წარმომადგენლებმა საქართველოს ტერიტორიული მთლიანობისათვის დაღუპულთა მემორიალი ყვავილებით შეამკეს და ომში დაღუპული გმირების ხსოვნას წუთიერი დუმილით პატივი მიაგეს. აღნიშნული ცერემონიის შემდეგ ამ დღისადმი მიძღვნილი თემატური ღონისძიება გაიმართა. ღონისძიებაზე ასპინძის მუნიციპალიტეტის მერმა როსტომ მაგრაქველიძემ ასპინძის მუნიციპალიტეტის 2024 წლის დამტკიცებული ბიუჯეტის მიზნობრივი „მოქალაქეთა სოცი-

ალური და ჯანდაცვის პროგრამის“ ფარგლებში ერთჯერადი ფულადი დახმარება გადასცა საქართველოს ტერიტორიული მთლიანობისათვის და სხვა ქვეყნის ტერიტორიაზე დაღუპულთა 8 ოჯახს, თითოეულს 1000 ლარის ოდენობით, ასევე ქვეყნის ტერიტორიაზე მებრძოლი ომისა და სამხედრო ძალების შეზღუდული შესაძლებლობების სტატუსის მქონე 9 ვეტერანს ასევე თითოეულს 1000-1000 ლარი. აღნიშნულ ღონისძიებაზე მონაწილეობდნენ ა(ა)იპ „ასპინძის სახელოვნებო და სამუზეუმო დაწესებულებათა გაერთიანება - კულტურის ცენტრის თანამშრომლები.

მემორიალი ყვავილებით შეამკეს

ამავე დღეს ასპინძის მუნიციპალიტეტის მერმა როსტომ მაგრაქველიძემ, საკრებულოს თავმჯდომარის მოადგილემ მერაბ ზურაბაშვილმა, სამხედრო აღრიცხვის, განვითარებისა და რეკრუტირების ასპინძის მუნიციპალური განყოფილების და ადგილობრივი ხელისუფლების წარმომადგენლებმა 2008 წლის

8 აგვისტოს საქართველოს თავისუფლებისათვის დაღუპული გმირი, ასპინძის მუნიციპალიტეტის სოფელ მირაშხნის მკვიდრი ტარიელ ქამაშიძე გაიხსენეს და მისი სახელობის მემორიალი ყვავილებით შეამკეს. მემორიალთან ტარიელ ქამაშიძის ოჯახის წევრები და სოფლის მოსახლეობაც იმყოფებოდა.



მოსალოდნელი სტიქიის ზსაცვილებლად

გლობალური დატბობის ეპოქაში არავინ არაა დაზღვეული სტიქიური უბედურებებისაგან. დღე არ გავა, რომ საინფორმაციო საშუალებმა საზოგადოებას არ აუწყონ მსოფლიოსა თუ ჩვენს ქვეყანაში კატასტროფიული მოვლენების შესახებ. ამიტომაცაა, რომ ადგილობრივი ხელისუფლებები სულ უფრო ინტენსიურ სამუშაოებს ატარებენ მოსალოდნელი სტიქიებით გამოწვეული ზარალის თავიდან აცილების მიზნით. ამ მიმართულებით ასპინძის ადგილობრივი თვითმმართველობაც მნიშვნელოვან ღონისძიებებს ატარებს, რაც დიდად შეუწყობს ხელს მოსახლეობას თავიდან რომ იქნას აცილებული კატასტროფული შედეგები. კერძოდ,



ათ წელზე მეტია ადგილობრივი მნიშვნელობის მდინარეების კალაპოტებსა თუ საშიშ ზონებში ინტენსიურად

მიმდინარეობს დამცავი გაბიონების სამშენებლო სამუშაოები, რამაც მნიშვნელოვნად შეუწყობს ხელს როგორც სასოფლო-სამეურნეო მიწების, ასევე შენობა-ნაგებობების დაცვის საქმეს. მუნიციპალიტეტის სინამდვილეში ამჟამადაც მიმდინარეობს ამ მიმართებით გარკვეული სამუშაოები, კერძოდ, წლებულს პროექტის ფარგლებში გაბიონები მდინარე ოთისწყლის კალაპოტის გასწვრივ 6 ადგილზე გაკეთდება. სამუშაოებს ტენდერში გამარჯვებული კომპანია შპს „მელიზა“ ასრულებს და მისი სახელმწიფოებო ღირებულება 511 830 ლარს შეადგენს.



„ცოტნეობას“ მიეძღვნა

12 აგვისტოს, მართლმადიდებლური ეკლესია ქართველი წმინდანის, ცოტნე დადიანის ხსენების დღეს აღნიშნავს. ამ დღესასწაულთან დაკავშირებით ასპინძის მუნიციპალიტეტის სოფელ დამლაში, კოხტას ციხის მიმდებარე ტერიტორიაზე, ღონისძიება გაიმართა. ასპინძის მუნიციპალიტეტის მერმა როსტომ მაგრაქველიძემ დამსწრე საზოგადოებას „ცოტნეობა“ მიულოცა, ასპინძის ხვილიშის წმინდა გიორგის სახელობის ეკლესიის მღვდელმსახურმა მამა დავითმა კი პარაკლისი აღავლინა.

პარაკლისის დასრულების შემდეგ ვაჟთა ფოლკლორულმა ანსამბლმა „წუნდამ“ საგალობელი და რამდენიმე ქართული ხალხური სიმღერა შეასრულა. „ცოტნეობის“ დღესასწაულისადმი მიძღვნილ ღონისძიებას მოსახლეობასთან ერთად ადგილობრივი ხელისუფლებისა და მუნიციპალიტეტში შემავალი ა(ა)იპ-ების თანამშრომლები ესწრებოდნენ. წმინდა ცოტნე დადიანის ხსენების დღეს, მართლმადიდებლური ეკლესია, 1999 წლიდან აღნიშნავს.

მუნიციპალიტეტის სახეებელი - მოსახლეობის ინტეგრაციის სადახაჯოზე!

დასაწყისი 33 3

20. ნაქალაქევის საბავშვო სკვერის მოწყობა შესაბამისი ინვენტარით - 16000 ლარი;

21. ფიის ხიდ -ბოგირებისა და სანიტარულ არხების მოწყობა - 10000 ლარი;

22. თმოგვის სასმელი და სარწყავი წყლის სათავე ნაგებობების რეაბილიტაცია - 12000 ლარი;

23. მირაშხანის შიდა სასოფლო გზების რეაბილიტაცია - 12000 ლარი (აღნიშნული პროექტების თანადაფინანსებისთვის ადგილობრივი ბიუჯეტიდან გათვალისწინებულია 588 000 ლარი).

ასევე, საკრებულომ განიხილა და დაამტკიცა მუნიციპალიტეტისათვის მეტად მნიშვნელოვანი პროექტები, რომელთა თაობაზე ვრცელი ინფორმაციები გამოქვეყნებული იქნა გაზეთ „ასპინძის სიახლენის“ ფურცლებზე.

აღსანიშნავია ის გარემოება, რომ საკრებულოს წევრების მიერ სისტემატურად ხდება მოქალაქეთა მიღება, მათ მიერ დაყენებული საკითხების განხილვა და გადაწყვეტა. აღნიშნული პროცესების დაფიქსირება ხდება საოქმო ჩანაწერებით, რამაც დეპუტატები ბენეფიციარებთან უფრო დაახლოვდა. თუმცა მოსახლეობის ჩართულობა საკრებულოს სხდომებში აქტიურობით არ გამოირჩეოდა, მაგრამ წერილობითი მხარდაჭერის საფორმად მათთვის შეიქმნა საკრებულოს საკითხებზე ხშირი იყო და კომპენტენციის ფარგლებში ნაწილდებოდა განსახილველად, ზოგიერთი წერილი, ქვემდებარებიდან გამომდინარე, იგზავნებოდა მუნიციპალიტეტის მერიამ.

მოსახლეობასთან შეხვედრების დამტკიცებული გეგმა-გრაფიკის შესაბამისად, საკრებულოს დეპუტატთა, ფრაქციის „ქართული ოცნების“ წევრებთან ერთად, სისტემატურად მართავს შეხვედრებს დაბისა და სოფლის მოსახლეობასთან. ამომრჩევლებთან შეხვედრებზე გამოთქმული საკითხების ძირითადი უმრავლესობა ეხება ინფრასტრუქტურული პროექტების მიმდინარეობის მდგომარეობას, კერძოდ, სასმელი წყლის რეაბილიტაციას, სანიტარული ნორმების დაცვას (სასმელი წყლის დაქლორვის მდგომარეობას), სარწყავი წყლის სარეაბილიტაციო სამუშაოების მდგომარეობას იმ სოფლებში, სადაც ამის საჭიროება იდგა, სოფლად ბუნებრივი აირის შეყვანის მოთხოვნებს, ახალგაზრდების დასაქმებას, ნავთობ კონტეინერების განსაზღვრულ ვადებში დაცლა-გატანის საკითხებს, მოსახლეობის სოციალური მდგომარეობის გაუმჯობესებას, ჯანდაცვის დაფინანსებას, ასევე სოციალური დახმარების მოხსნა/დანიშნის მოთხოვნებს და ა.შ.

გენდერულ საკითხებზე სისტემური და საქართველოს პარლამენტის მიერ შექმნილ გენდერული თანასწორობის საბჭოსთან კოორდინირებული მუშაობის უზრუნველსაყოფად შექმნილია „ასპინძის მუნიციპალიტეტის საკრებულოს გენდერული თანასწორობის საბჭო“. გენ-

დერული საბჭო მუშაობას წარმართავს დამტკიცებული გეგმის შესაბამისად, საბჭოს პირადად ვხელმძღვანელობ და დღენიადაგ ვზრუნავ მუნიციპალიტეტის ბიუჯეტი ამ კუთხით იყოს სენსიტიურად მგრძობიარე.

საკრებულოს გენდერულმა საბჭომ შეიმუშავა და დაამტკიცა სამოქმედო გეგმა, რომელიც თანხვედრაში იქნება მუნიციპალიტეტის გენდერული თანასწორობის საბჭოს სამოქმედო გეგმის თვით-შეფასების და გერმანიის საერთაშორისო თანამშრომლობის საზოგადოების (GIZ) ექსპერტის მიერ ჩატარებული მუნიციპალიტეტის მოქალაქეთა საჭიროებების კვლევის ანალიზთან. ეს უკანასკნელი კი ითვალისწინებს ერთობლივ მიდგომას თვითმმართველობის განხორციელების პროცესში, შესაბამისი სამსახურების საქმიანობის უზრუნველყოფას გენდერული თანასწორობის, დისკრიმინაციის აღმოფხვრის, ქალისა და მამაკაცის თანაბარი მონაწილეობისათვის აუცილებელი გარემოს შექმნას, როგორც ინფრასტრუქტურული, ისე განათლების, კულტურის და სოციალური მიმართულებებით.

საკრებულოს მიერ საჯარო ინფორმაციის გაცემა ხდება არასამთავრობო ორგანიზაციების, უწყებების წერილობითი მოთხოვნების საფუძველზე, კანონით დადგენილ ვადებში; საკრებულოს აპარატი საჯარო ინფორმაციას მიკუთვნებულ ყველა მასალას აქვეყნებს საკრებულოს სპეციალურად განთავსებულ სტენდზე.

მოსახლეობის ინფორმულობის მიზნით, როგორც აღინიშნა მუნიციპალიტეტის საკრებულო ყოველთვიურად „ასპინძის სიახლენში“ აქვეყნებს ინფორმაციას საკრებულოს ყოველთვიურ გეგმიურ და რეგულარულ სხდომებზე განხილული საკითხების გადაწყვეტილებების მიღების შესახებ, ხოლო მუნიციპალიტეტის საკრებულოს „ფეისბუქ გვერდზე“ აანონსებს ინფორმაციებს როგორც თვით საკრებულოს, ასევე ფრაქციების, კომისიების სხდომების დანიშნვისა და დღის წესრიგის თაობაზე. საკრებულოს მიერ მიღებულ გადაწყვეტილებათა დოკუმენტაციას, დეპუტატის ჩართულობას მუნიციპალიტეტის მიერ დაგეგმილ ღონისძიებებში, მოსახლეობასთან, ამომრჩევლებთან შეხვედრების, მუნიციპალიტეტში მიმდინარე პროექტების სამუშაოს დათვალიერების და სხვადასხვა სამუშაო პროცესების ამსახველ ფოტო მასალას.

ახლოვდება „შოთაობის“ სახალხო დღესასწაული. წლეუანდელი „შოთაობის“ დღესასწაული წარმოადგენს იქნება საბავშვო აქტივობებით, მრავალფეროვანი გასართობი თუ მუსიკალური ღონისძიებებით, მათ შორის, მოენწყობა გამოფენა-გაყიდვები და სპორტული ღონისძიებები. „შოთაობის“ დღესასწაულზე „საპატიო ასპინძელის“ წოდება მიენიჭებათ საზოგადოებისათვის საყვარელ და პატივსაცემ ადამიანებს.

დიდ ადამიანებს უთქვამთ:

„100 შავი და 100 წითელი ჭიანჭველა რომ მოვათავსოთ ქილაში, არაფერი მოხდება, მაგრამ თუ ამ ქილას ძლიერად შეანჯღრევთ, ჭიანჭველები დაიწყებენ ერთმანეთის ხოცვას. წითლები შავებს თავიანთ მტრებად მიიჩნევენ, ხოლო შავები წითლებს.



ოტო პისმარკი

სინამდვილეში ნამდვილი მტერი ის არის, ვინც ამ ქილას ანჯღრევს.

ასე ხდება ადამიანებშიც.

ასე რომ, სანამ ადამიანები ერთმანეთს თავს დაესხმიან, უნდა იფიქრონ, ვინ ანჯღრევს ქილას?!“

„ლექსი, არ ღიჟაგბეში!“

რუსთაველის ნაკვალევზე

ჩემი დიდი ხნის ოცნება არ გაუფხილვე სხვასაო, უნდა მენახა რუსთავი კიდეც დავადექ გზასაო. ავედი მინადის ხიდიდან, - გადავადექი მთასაო, მოუთბიბათ ყანები ეზიდებიან ძნასაო. მივედი ქართული საღმრთო, პირველად ვიღებ ხმასაო, - ოჰ, გაგიმარჯოს ძმობილო, როგორც საკუთარ ძმასაო. ჩემი მიზანი გავაცან, რაზე მივედი, რისთვისა, ბევრი არ გავაზვიადე, ნათელი იყო მათთვისა. ბოლო ჯერობა მიჰქონდათ, - სოფელი გამიყოლიეს, მერე დავვქეით სუფრასთან ნებით რომ დამიყოლიეს. ქართული წესით დავლოცეთ გმირი 800 წლისანი, ვაქეთ, ვადიდეთ მოყვარე, გაღმა-გამოღმა მთისანი. გვიან დამთავრდა ღებინება მასპინძლის ნამოწყებული, ნამოვიშალეთ ყველანი

ღვინისგან გახელვებული. აჰა, მივედით იქ, სადაც ორი მდინარე ერთვისო, სადაც ოდესღაც რუსთველი თამარს სწვევია ხერთვისსო. წარსულის მოწმედ დამდგარა ციხე, ლომგულის სადარი, რამდენი რისხვა უნახავს, წვიმა, ქარი თუ ავდარი. გზადავ ვა ვათვალთვინებ იქნებ რუსთველი აქ არის, მისი ნამყოფი ადგილი მამაპაპათა ღადარის. უტყვი ვარძიის კედლებთან დაწვრილებივარ სიძველეს, ვხედავ, რა უშენებიათ წარსულ ცხოვრების სიძნელეს. კლდეში ნაკვეთი ქალაქი რაღაც იდუმალს მაგონებს, აქ წინაპარი ვერ ვნახე, ალბათ ეს უფრო მალონებს.

ავტორ-მთქმელი ანტონ პალანაშვილი, 88 წლის, ადიგენის რაიონის სოფელი უდე

სახალხო ღიჟაგბე

სიხნავის ნაგალი
გაარჩიეთ საშუალო ზომის 400 გრ. ნიორი, გარეცხეთ და გახეხეთ. გამოწურეთ 24 ცალი საშუალო ზომის ლიმონი და შეურიეთ ერთმანეთს. შემდეგ მოათავსეთ მინის ქილაში, კარგად მოუკარით მარლით თავი და ისე დატოვეთ. ჭამის წინ ყოველი მიღების წინ შეანჯღრეთ და მიიღეთ 1 ჩ/კოვზი, რომელსაც წინასწარ გახსნით 1 ჩ/ჭიქა ანადულარ წყალში. ერთი-ორი კვირის შემდეგ გაგიუმჯობესდებათ გუნება-განწყობილება, აგიმალღდებათ შრომისუნარიანობა, მოგეხსნებათ ძილის პრობლემა. გარდა ამისა, ნიორს გააჩნია ანტისკლეროზული და გამაკაჟებელი თვისებები.

200 გრამ ჭინჭრის თესლს დაასხით ერთი ლიტრა წითელი ღვინო, შეინახეთ ერთი კვირის განმავლობაში, შემდეგ როცა კარგად შეერევა ერთმანეთს, მიიღეთ 100-100 გრამი დღეში სამჯერ ჭამის წინ.

მალის აღდგენი საშუალება

დღეში სამჯერ ერთი ჩ/კ - ით მიიღეთ ალოეს ფოთლების წვენი ჭამის წინ. იგი აუმჯობესებს საჭმლის მონელებას, ჭამის შემდეგ კუჭში სიმძიმის შეგრძნებას. - 250 გრამი აბზინდის მშრალ ფხვნილს

და ერთ კვ თაფლს დავასხათ 2 ლ. 15-15%-იანი სპირტი ან არაყი. ყოველდღე ავურიეთ და დაგტოვოთ ბნელ ადგილზე 30 დღე. შემდეგ გაწურეთ დოლბანდის რამდენიმე ფენაში. ნაღები შევინახოთ ბნელ ადგილზე.
მიღების წესი:
50 მილიგრამი მივიღოთ დღეში სამჯერ, ჭამამდე 30 წუთით ადრე, 3-4 კვირის განმავლობაში.

თირკმელი ანთებითი პროცესის დროს

2 ჩ/კოვზ ვაშლის ძმარს და ერთ ჭიქა

წყლის ნარევის მიღებით უმჯობესდება თირკმლების მოქმედება.
- 400 გრამ ალოეს ფურცლები (ალოე უნდა იყოს 3-5 წლის) ჩავაწყოთ პოლიეთილენის პარკში და ვამყოფოთ მაცივარში 7 დღე. შემდეგ გავატაროთ ხორცსაკეპში, შევურიოთ 500 გრამი გაზაფხულის თაფლი და 0,7 ლიტრი ნატურალური ღვინო. ისინი მოვათავსოთ მინის ჭურჭელში და გავაჩეროთ ბნელ ადგილზე 5 დღის განმავლობაში.
მიღების წესი:
პირველი ხუთი დღის განმავლობაში 1 ჩ/კოვზი დღეში 3 ჯერ, ჭამამდე ერთი საათით ადრე.
მკურნალობის კურსი 3-7 კვირაა. ჩაინერა ალექსანდრე მელიქიძე 1978 წელს, სოფელ ტოლოში

რადკოლეგია

ინფორმაციები მოგვაწოდა ასპინძის მერიის ადმინისტრაციული სამსახურის საორგანიზაციო განყოფილების უფროსმა ეკა კალაიჯიშვილმა